



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.395/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët– Ramush Bardiqi kryesues, Hidajete Gashi Alaj dhe Arsim Hamzaj anëtarë, duke vendosur lidhur me ankesën e Sueda Jusufi, kandidate për anëtare të kuvendit komunal në Komuna Ferizaj, nga radhët e Subjektit Politik Partia Demokratike e Kosovës (PDK), me seli në Prishtinë, dega në Ferizaj, paraqitur kundër vendimit të Komisionit Qendror të Zgjedhjeve (KQZ) me seli në Prishtinë, Nr.01/3093-2025, të datës 03.11.2025, për shpalljen e rezultateve përfundimtare për anëtarë të kuvendit komunal, për Zgjedhjet Lokale, të mbajtura me datën 12 Tetor 2025, në seancën e panelit të mbajtur, më datë 07.11.2025, merr këtë,

V E N D I M

REFUZOHET E PABAZUAR ankesa ZL.Anr.395/2025, e datës 05.11.2025, e parashtruar Sueda Jusufi, kandidate për anëtare të kuvendit komunal në Komuna Ferizaj, nga radhët e Subjektit Politik Partia Demokratike e Kosovës (PDK), me seli në Prishtinë, dega në Ferizaj, paraqitur kundër vendimit të Komisionit Qendror të Zgjedhjeve (KQZ) me seli në Prishtinë, Nr.01/3093-2025, të datës 03.11.2025, për shpalljen e rezultateve përfundimtare për anëtarë të kuvendit komunal, për Zgjedhjet Lokale, të mbajtura me datën 12 Tetor 2025.

A r s y e t i m

Më datë 05.11.2025, PZAP-i ka pranuar ankesën ZL.Anr.395/2025, nga Sueda Jusufi, kandidate për anëtare të kuvendit komunal në Komuna Ferizaj, nga radhët e Subjektit Politik Partia Demokratike e Kosovës (PDK), me seli në Prishtinë, dega në Ferizaj, e cila pretendon se në disa kuti votimi në QNR-Ferizaj nga data 13.10.2025 deri 15.10.2025, ka vërejtur se ka mungesë të votave, të cilat u janë keqpërdorur gjatë numërimit të votave, dhe thekson se ka fituar vota nga familjarët e ngushtë të cilën e shtyjnë të besojnë se ka pasur keqpërdorim të votës. Më tej në ankesë thekson se gjyshja e saj 90 vjeçe ka votuar, mirëpo tani i mungon vota e saj.

Sipas parashtrueses së ankesës në ditën e votimit ka informata se ka poseduar vota më shumë se tani, dhe se ka mospërputhje të rezultateve nga QKN dhe QNR. Kërkon që të rinumërohen kutit e votimit, pasi që sipas saj vetëm 24 vota i mungojnë që të fitoj ulëse në kuvendin komunal në Komunën e Ferizajt. Vendvotimet janë: 2511/01, 2511/02,2511/03, 2511/04, 2511/05, 2535/01,2535/02,2535/03,2530/01,2530/02,2539/01,2539/02,2516/01,2516/02,2516/03,2514/01, 2536/01, 2536/02, 2540/02, 2522/01, 2522/02, 2523/01 dhe vendvotimin 2523/02.

Në përgjigjen në ankesë KQZ-ja, sqaron se bazuar në nenin 101 të Ligjit Nr. 08/L-228 për Zgjedhjet e Përgjithshme në Republikën e Kosovës (LZP), Rregulloren Zgjedhore Nr.16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhjet Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN.

Rezultatet preliminare nga vendvotimet mund të korrigjohen në Qendrën Komunale të Numërimit, në përputhje me paragrafin 3 të nenit 14 të Rregullores Zgjedhore Nr. 16/2024 për Qendrat Komunale të Numërimit (QKN). Andaj, bazuar në Rregullën Zgjedhore Nr.13/2024 Rezultatet e Zgjedhore nenin 9 paragrafi 1 thekson se: Në rast të mospërputhjes së rezultateve, KQZ-ja mund të urdhëroj rinumërimin e votave të cilit do VV, ose edhe përsëritjen e votimit në një VV apo QV, KQZ, gjithashtu ju njoftoj se, procesi i numërimit të votave në Qendrën e Numërimit dhe Rezultateve (QNR) është zhvilluar në përputhje me Rregulloren Zgjedhore Nr. 14/2024, Qendra e Numërimit dhe Rezultateve (QNR) ku ekipet e numërimit kanë bërë numërimin e votave të kandidatëve në transparencë të plotë ku fletëvotimi është prezantuar në ekran dhe është parë nga vëzhguesit e akredituar.

Pala ankuese, ndër të tjera, ka pretenduar se disa nga familjarët e saj, të cilët kanë votuar, kanë deklaruar se kanë votuar për të mirëpo sipas saj, votat e tyre mungojnë, Ky pretendim nuk mund të vërtetohet, pasi vota është e fshehtë dhe, në përputhje me parimet e fshehtësisë dhe lirisë së votës, në fletëvotim nuk mund të identifikohet votuesi. Për më tepër, pritjet subjektive të ankuesit për të marrë më shumë vota nuk përbëjnë dëshmi për parregullsi apo mungesë votash, Sa i përket pretendimeve të palëve ankuese e cila mbështetet në pritshmërinë dhe deklaratimet e personave dhe familjareve të saj duhet theksuar se, në kuptim të nenit 4 paragrafi 1.3 të Ligjit për Zgjedhjet e Përgjithshme, liria dhe fshehtësia e votës janë të garantuara. Publikimi i votës cenon këtë parim dhe shpërfaq vullnetin e votuesit. Në kuptim të nenit 117 paragrafi 3 të LZP, gjatë shqyrtimit të ankesës është vërejtur se pala ankuese, po ashtu nuk ka bashkëngjitur prova relevante, që do të mund të dëshmonin apo mbështesnin pretendimet saj KQZ, ju njofton se i gjithë materiali zgjedhor, (duke përfshirë kamerat e sigurisë, Librat e Votimit dhe Formularët) gjenden në Qendrën e Numërimit dhe Rezultateve -QNR, dhe të njëjtat mund të verifikohen dhe hetohen nga PZAP dhe organet drejtësisë.

Paneli Zgjedhor për Ankesa dhe Parashtresa - PZAP, pas shqyrtimit të ankesës dhe shkresave të lëndës konstaton se:

Ankesa është e pabazuar

Pas shqyrtimit të pretendimeve ankimore dhe përgjigjes në ankesë të KQZ-së, Paneli vlerësoj se pretendimet në ankesën e parashtruar nga Sueda Jusufi, kandidate për anëtare të kuvendit komunal në Komuna Ferizaj, nga radhët e Subjektit Politik Partia Demokratike e Kosovës (PDK), me seli në Prishtinë, dega në Ferizaj, të paraqitura kundër shpalljes së rezultateve përfundimtare të publikuara nga KQZ-së, janë të pabazuara.

Sa i përket pretendimeve të palës ankuese që mbështeten në deklaratat e familjarëve të ngushtë, sipas vlerësimit të panelit është e pamjaftueshme si provë e vetme të vërtetoj pretendimin e tij për parregullsi, nga se deklaratat e personave të ndryshëm si votues të mundshëm të kandidates në fjalë, nuk mund të merret si dëshmi e vlefshme për të mbështetur pohimet e ankueses për parregullsi në lidhje me shpalljen e rezultateve përfundimtare, dëshmia si e tillë nuk e përmbushë

as kushtin formal dhe as atë përmbajtjesor të konsiderohet provë bindëse për procedim dhe hetim të mëtutjeshëm apo për hapjen e kutive të votimit. Po ashtu është e pa kontestuar se bazuar në nenin 4 paragrafi 1.3 të LZP, liria dhe fshehtësia e votës janë të garantuara, gjer sa shpërfaqja e vullnetit të votuesve në parim cenon fshehtësinë të votës.

Paneli vlerëson se deklaratat e votuesve të cilët pretendojnë se kanë votuar një kandidatë të caktuar nuk mund të merren si prova të bazuara për faktin se nuk mund të vërtetohet në asnjë formë se votuesit përkatës të kenë votuar për subjektin e caktuar dhe kandidatin e caktuar për shkak se fletëvotimi nuk mund të identifikohet me emrin e votuesit.

Andaj Paneli vlerësoi se pretendimet e tilla janë të pa qëndrueshme dhe të pa bazuara dhe si të tilla i refuzoj. Kështu që bazuar në të lartcekurat konkludohet se nga veprimet e përshkruara në ankesë, parashtresja e ankesës nuk ka arritur që të vërtetojë se ka pasur veprime që janë shkelur dispozitat ligjore të Ligjit për Zgjedhje apo të Rregullave Zgjedhore të KQZ-së.

Duke marrë parasysh të lartpërmendurat, Paneli vlerëson se parashtresë i ankesës në mbështetje të pretendimeve të tij, nuk ka ofruar dëshmi të qarta dhe bindëse, edhe pse në bazë të nenit 117 paragrafi 3 të Ligjit Nr.08/L-228 Për Zgjedhjet e Përgjithshme në Republikën e Kosovës, barra e të provuarit bie mbi ankuesin, në të cilin nën përcaktohet se “Vendosja për ankesat nga PZAP-ja mbështetet në dëshmi të qarta dhe bindëse”.

Nga arsyet e theksuara më lartë dhe duke u bazuar në nenin 117 paragrafi 3, lidhur me nenin 118 paragrafi 1 të Ligjit Nr.08/L-228 Për Zgjedhjet e Përgjithshme në Republikën e Kosovës, nëni 9 paragrafi 5.17, të Rregullores nr.01/2025 për Procedurat e Parashtimit dhe Vendorsjes së Ankesave, dhe paneli vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA

ZL.Anr.395/2025 më datën 07.11.2025

Kryesues i Panelit
Ramush Bardiqi



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.